

**UKIOQ MISSINGERSUUSIORFTUSOQ 2017 PILLUGU KOMMUNINUT ATAATSI-
MOORTUMIK TAPISSUTINUT ISUMAQATIGIISSUTEQARNISSAQ PILLUGU ISU-
MAQATIGIISSUT**

Ataatsimut isigalugu

Kommunit kiisalu Namminersorlutik Oqartussat januaarip 22-ani 2014-imi missingersuusiortarnermi nutaamik isumaqatigiissusiorput kommunit kiisalu Namminersorlutik Oqartussat akornanni suleqatigiinneq piorsaaviginiarlugu ataatsimullu suleqatigiinnikkut siunissami attanneqarsinnaasumik aningaasaqarnermut politikkeqalernissamut aqutissiuussisussamik pisortanilu suliassat naammassineqartarnissaannut. Illuatungeriit isumaqatigiissutip nutaap pingaaruteqassusianut isumaqataapput, pingaartumik ukiuni aggersuni inuiaqatigiit amerlassusaat katitigaanerallu eqqarsaatigalugit, tamatumanimi aningaasaqarnikkut politikkip, innuttaasunullu atugarissaarnissamut tunniunneqartartut pingaartinnissaasa aqunneqarnissaannut piumasaqartoqarmat. Aaqqissuusseqqinnermi tamatuma imarisassai pillugit illuatungeriit akornanni oqaloqatigiittoqarpoq, ukiuni aggersuni aningaasaqarnerup patajaallisarneqarnissaanik qulakkeerinnittuusussaq.

Missingersuusiortarnermi suleqatigiinnissaq pillugu isumaqatigiissuteqarnermi ukiunut arlalinnut ataatsimoortumik tapiissutit pillugit isumaqatigiissusiornerit siunissami pilersaarusiornissamut iluaqutaasussamik isumaqatigiissutiginnissaat, aammalu pisortat ingerlatsiveqarfiini tamani paasiuminartuullutillu aqukkuminartuunissaat illuatungeriit isumaqatigiissutigaat. Ataatsimut unammilligasat qularnaarlugit oqimaaqatigiissuunissaasa pisariaqarnera illuatungeriit erseqqissaatigaat, peqatigitillugulu aamma kommunit kiisalu Namminersorlutik Oqartussat namminneq aalajangiisnaaner rat eqqarsaatigalugit..

Siunissami ataatsimoortumik tapiissutitut isumaqatigiissutit ajunngitsumik kajumissuseqalersitsinermik pilersitseqataassapput, taamaaliornikkut pisortat suliassai pisariitsumik tulluurtumillu suliari neqarsinnaassammata, tamannalu pillugu ingerlaavartumik nalilersuisoqartarluni, tamatumani aningaasaqarnikkut sunniutaasut uuttuiffiginiarneri kisiisa pinnagit, kisiannili aamma suliassani isumaginninniarnermi pitsaassuseq naammagisimaarinninnerlu uuttuiffiginiartillugit.

Naalakkersuisut kommunillu isumaqatigiissutigaat kommunit nukittuut suliassa qarfinnik arlalinnik tigusiartuaartussat pilersinniarlugit aaqqissuussaaneermik iluarsartuusseqqinnermi siunertarineqartumik suliaqarneq ingerlateqqinneqassasoq, siunertarineqartut ataatsimut isigalugit inuiaqatigiinnut iluaqutaasussaapput. Suliaq taanna suli annertusaavigineqassaaq, tassungalu atatillugu pisariaqarpoq siunissami kommunit qanoq ittuunissaat paasissallugu, tassa suliassat qanoq ittut iluaqutaasumik nuunneqarsinnaanerannut kommunit qanoq angitiginerat aamma apeqqutaasussaammat.

Missingersuusiortarneq pillugu suleqatigiinnissamik isumaqatigiissutip nutaap imai tamakkiisumik ataatsimoortumik tapiissutissatut isumaqatigiissummut ilanngunneqarnissaat angumerineqarsinnaasimangilaq, taamaammat illuatungeriit isumaqatigiillutik isumaqatigiissummi tunngavigineqartut

anguniakkallu allat ataatsimoortumik tapiissutit pillugit isumaqatigiissutaajumaartussanut aamma ilaatinneqarnissaat siunnerfigalugu suliaqarniarput.

Immikkoortunut pilersaarutit

Immikkoortunut pilersaarutit ukiunut arlalinnut atuuttussat inuiaqatigiit katitigaanerisa allanngoriartornerat tunngavigalugu suliarineqassapput, tassani ukiut tamaasa illuatungeriit pisortat aningaasarsiornerannik piffissamut ungasinnerusumut pilersaarusiortarnerat aallaavigineqassaaq, suliarineqartullu kingusinnerusukku aningaasanut inatsisip kommunillu missingersuusiaannik suliaqarnermut ilanngunneqarsinnaallutik. Sanaartorfissagissaanerup siunissami isumagineqartarnissaanut killissarititaasut kiisalu atuartut angerlarsimaffiinik atuarfinnillu sanaartornissamut killissarititaasut pillugit suliniutit aallartinneqareerput. Taamaalilluni piareersaataasumik suliaqarneq 2017-ip ingerlanerani naammassineqassaaq atuutsitsilernissaq kingusinnerpaamik ulloq 1. januar 2018 pisinnaaqullugu.

Nuna tamakkerlugu immikkoortunut pilersaarutinik aammalu Namminersorlutik Oqartussani kommuninilu immikkoortunut pilersaarutinik suliaqartarnermut taakkuninngalu ingerlaavartumik ataqatigiissaarinnermut atatillugu 2017-imi annertuumik salliutitsilluni suliniuteqartoqarnissaa pisariaqartinneqarpoq. Taamaalillunilu immikkoortunut pilersaarutinik suliaqarneq nuna tamakkerlugu anguniakkanik qulakkeerinnissaaq, tamatumani kommunini immikkoortumut pilersaarutinik najukami/kommunimi pisariaqartitanut atatillugu atuutsitsilernissaq qulakkiissallugu.

Kommunini immikkoortunut pilersaarutit aammalu aningaasaleeriaatsimik marlunnut avinneqartumik atuneq aningaasanut inatsit aqputigalugu sanaartornermut aningaasanik pissarsinissamut annertunerujartuinnartumik tunngavissaatinneqassapput. Tamanna aamma atuuppoq kommunini sanaartornikkut suliniutinut tapiissutit eqqarsaatigalugit, tamatumani tapiissutinut aqqissuusinerit pisariaqarlunnartillugu attatiinnarneqassallutik.

Immikkoortunut pilersaarutit suliarineqarnerat taamatuttaaq suliassanik nuussuinissat piareersarneqarnerannut ajunngilluinnartumik atorineqarsinnaavoq. Kommunit akisussaaffeqarfiit amerlanerusut tigusuppaat, taamatuttaaq sanaartornermut tunngassuteqartut. Illuatungeriit isumaqatigiissutigaat taamaaliornissat sukumiisumik piareersarneqassasut imatullu pissasut sanaartornerit ingerlaavartunngortillugit aamma kommunit akornanni sanaartornermut aningaasat agguanneqartarnerannut naammaginartunik aqputissiuussisoqassasoq. Taamaattumik Naalakkersuinikkut Ataqaqatigiissarisooqatigiinni siusinnerusukku isumaqatigiissutaareersoq malillugu suliassaqarfimmik nuussinissaq killiffilersukkamik aqqissuunneqassaaq.

Taamatuttaaq ataatsimoortumik tapiissutissat isumaqatigiissuteqarfigineqarnerisa nassataannik nunaqarfinni isorliunerusunilu sanaartugassanik 2017-imiit nuussinissaq pillugu immikkut isumaqatigiissuteqarniarpoq.

Ineriartorneq oqimaqatigiissoq

Missingersuusiordermi suleqatigiinneq aqputigalugu Kalaallit Nunaanni oqimaqatigiissumik ineriartortitsinissaq qulakkeerneqassaaq, matumani ilaatigut ataatsimoortumik tapiissuteqartarneq

naligiissaarisarnerlu nutaamik ilusilersorlugit sulineq aallartinneqarsimavoq. 2015-imut ataatsimoor-
tumik tapiissutissat isumaqatigiissutigineqarneranni anguniagaavoq aaqqissuussamik ataavartumik
2016-imit atuutilersussamik ingerlatsilernissaq. Paasissutissatigut tunngavigineqartut malillugit
2016-imit aallartittumik uuttuutit ikittunnguit atorlugit taamaallaat sulisoqarsinnaasimavoq. Kom-
munit aaqqissugaanerisa nalorninarloqarnerannut tamanna peqatigitillugu Naalakkersuisut pisari-
aqarsorisimavaat naligiissaarigallartarnissamik atuutilersitsisoqarnissaa. Tassunga ilanngullugu paa-
sissutissatigut tunngavissat pitsaannerusut kommunit aningaasartuutigisartagaannik takutitsisumik
aralinnik uuttuutitallit pilersinneqassapput.

Naalakkersuisut aalajangernerisa kingunerissavaat:

- Piffissamut 2016-imiit 2018-imut ukiunik pingasunik sivisussusilimmik aaqqiigallarnermik
ingerlatsisoqarnissaa, tassani 2015-imut aaqqiisimaneq naapertorlugi ukiumoortumik anin-
gaasanik ataasiakalaartumik toqqammaveqartumik ataatsimoorumik tapiissutiniit Kommu-
neqarfik Sermersuup isertitassai ilanngaaseereerluni 45 millioner koruuninik ikiliseqqin-
neqassapput,
 - 45 mio. koruunit taakku kommunit pingasuusut sinnerinut imatut agguataarneqassa-
sut: Qaasuitsup Kommunia: 25 mio. kr., Kommune Kujalleq: 15 mio. kr. aamma
Qeqqata Kommunia 5 mio. kr., aamma
 - 45 mio. koruunit taakku 2015-imi agguanneqareertussaagaluartut Qaasuitsup Kom-
muniata aamma Kommune Kujalliup akornanni 2015-imi agguasseriaasiusimasoq
suli atorneqassaaq.

Tassunga uiggiullugu Namminersorlutik Oqartussat kommunillu ilaatigut Naatsorsueqqissaartarfik
peqatigalugu uuttuutunik aralinnik 2019-imiit aallartittumik aalajangersimasumik naligiissaarisar-
nissamut ilaatinneqarsinnaasunik nassaarniarlutik paasissutissatigut tunngavissat pitsaannerusut pi-
lersinniarlugit aaqqissuussaasumik siunnerfeqartumillu suliaqassapput, tassunga ilanngullugu
pingaernerutinneqassaaq

- pisortat ataatsimoorumik aningaasaqarnermik aqutsissutaannik nutaamik (ERP) 2018-imiit
atuilernerat ilutigalugu pisortat ataatsimoorlutik kontunut pilersaarummik nutaamik atuilern-
nissaat,
- oqartussaaffinni aalajangersimasumik naligiissaarinermi nutaami uuttortaaffigisassatut nali-
liiffigineqartuni paaqqutarineqartussat oqimaassusaasa uuttortarneqarnissaannut iliuitsinik
assigiiartunik atuilernissaat, aamma
- oqartussaaffinni periarfissaqartillugu paasissutissanik nalunaarsuinissamut atortut assigiit
atorneqartassapput.

Tassunga ilassutitut kommunit kisitsisaataannik pingaernerusunik isumannaallisaasarneq Naatsor-
sueqqissaartarfiup 2015-imi KANUKOKA-mit tiguaa, tassungalu atatillugu naatsorsuutigisatut
kommunit aningaasaqarnikkut kisitsisaataasa pingaernerit ataatsimut katersorneqarnerini pisariaqar-
tinneqalersinnaasut sillimaffiginiarlugit amerlanerusunik aningaasaliiffigineqarluni.

Naligiissaarinnermut tunngatillugu ataavartumik aaqqiissuteqarnissap piareersarnerata allaffissornikut malitseqartinnissaani pisariaqarpoq missingersuusiortarnermut tunngatillugu suleqatigiinnissamut isumaqatigiissummi periusissat kiisalu periusissat borgmesterit 2014-imi augustimi Ilulissani akuersissutigisimasaasa malineqarnissaat. Malitseqartitsinermi aalajangersimasumik ilinniagalinnit ikiorserneqartarnissaq naatsorsuutigineqartassaq taamalu Naalackersuinikkut Ataqatigiissarisooqatigiinni sulinerup siuariartornissaa pillugu akuttunngitsumik nalunaarutiginnittoqartarnissaa qulakkeerneqarluni.

Naalackersuisut kommunit isertitaqarnissamut toqqammavigisaat pitsanngorsaaffiginarlugit ERP-mut atatillugu siunnerfilimmik sulissutiginiarpaat Ilangaassivik pillugu suliniutip (Savalimmiutut-aaqqiineramik taaneqartartoq) pilersinneqarnissaa atuutsinneqalernissaalu, tassani siunertaamat pisortanut akiitsut pinaveersaartinneqarnissaat annikillisinneqarnissaallu. Tamanna pissaaq kommuninik suleqateqarluni pimoorunnerullugu akiliisitsiniartalermissap ilaatut.

Kommunit Namminersorlutillu Oqartussat aamma Naalackersuinikkut Ataqatigiissarisooqatigiinni kingullermik ataatsimiinnermut ilassutitut sulissutigeqqinniarpaat aammalu suliffinnik nussuinissamut periarfissat siunertamullu naapertuuttuunersut qulaajarneqarnissallutik.

Immikkut ittumik suliniuteqarfissat kommuninit Namminersorlutillu Oqartussaniut peqataaffigineqartariaqartut.

Missingersuusiortarnermi suleqatigiinnissaq pillugu isumaqatigiissuteqarnermi pisariaqarpoq ataatsimoortumik tapiissutit pillugit isumaqatigiissutit piffissamut ungasissumut pilersaarusanut naapertuutsinneqarnissaat. Ataatsimoortumik tapiissutitut isumaqatigiissutit pisortat suliaasa ersarissumik aaqqiiviginissaat qulakkeerniarlugu, sakkullu sorliit atorlugit ataatsimoortumik paasinnittoqarnissaani aningaasaqarnikkut atasinnaasumik ineriartortitsinissami kommunit aamma Namminersorlutik Oqartussat akornanni tulluurtumik suliaassanik agguuassisinnaanermut ajunngitsumik tunngaviliissapput.

Tamatumanilu nassuerutigalugu inuiaqatigiit aaqqiissuusaanikkut ajornartorsiutaasa qaangerniarneranni pitsaasumik ilusilersukkamillu suleqatigiinnissaq pisariaqartinneqarmat. 2017-imut ataatsimoortumik tapiissutit pillugit isumaqatigiissummi suliaqarfiit uku iluanni suliniutit immikkut ittumik isiginiarneqassapput:

Pisortat suliaqarfiini pitsaanerusumik aningaasanik aqutsinissaq:

Kommunit Namminersorlutillu Oqartussat missingersuutaat naatsorsuutaallu pillugit inatsisissaq nutaaq pillugu siunnersuut UKA 2016-imi naammassillugu suliarineqartussatut naatsorsuutigineqartoq Naalackersuisut 2016-imi upernaakkut saqqummiuppaat. Inatsisitigut isumannaarneqassapput pisortat ingerlataqarfiini tamani missingersuusiortarnermi ataqatigiissaarinnissamut atortussat pitsaanerusut, pitsaanerusumik aningaasaqarnermik aqutsineq kiisalu kommunini Namminersorlutillu Oqartussani attanneqarsinnaasumik aningaasatigut ineriartortitsinerup qulakkeerneqarnissaa.

Inatsisissap atuutilersinneqarnissaata piareersarneqarneranut kommunit peqataatinneqassapput, Missingersuusiortarnermut Naatsorsuusiortarnermullu Siunnersuisooqatigiit ilaatigut kommunit anin-

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

gaasanik aqutsinerannut tunngatillugu allaffissornikkut atugassarititanik aalajangersaanissamut suliakkerneqartartut inatsisitigut aalajangersaaffigineqarnerisigut kommunit suliaraqfimmi pineqartumi suliarisartagaat ilaatigut malittarisassaliorneqarput.

Susassaqarfiit avitsilluni aningaasalersorneqartut:

Kommunit Namminersorlutillu Oqartussat utertitsisarnermik aaqqissuussat aqutigalugit susassaqaqfinni arlalinni aningaasalersuisarneq avittarpaat. Tamatuma kingunerisinnaavaa naapertuutinnigitsumik kajumissuseqalersitsiniartarneq, tassa susassaqaqartut ataasiakkaat aningaasartuutigisartagaat kiffartuussinermi tamakkiisumik aningaasartuutigineqartunut naapertuuttanngimmata. Taamaammat kiffartuussineq kiffartuussinernit allanit kommunimit Namminersorlutilluunniit Oqartussanit tamakkiisumik aningaasaliiffigineqartunit naapertuutinnigitsumik unammillerneqassaaq.

Tamanit soqutigineqarpoq innuttaasut eqqortumik sullinneqartarnissaat aamma pisinnaatitaaffitsik malillugu kiffartuunneqarnissaat. Aningaasaqarnikkut aaqqissuussinerit tamanna ikorfartussavaat, taamaammallu susassaqarfiit avitsilluni aningaasalersorneqartut susassaqaqfinni missingiiffigineqanngitsuni atorineqartussanngorlugit sapinngisamik killilersimaarneqassapput.

Assiganik pisariaqartinneqarpoq immikkoortuni, namminersorlutik oqartussat kommunit ingerlatsinerannut tapiissuteqarfigisagaanni, tapiissuteqarnernik imaluunniit piffissami sivikinnerusumi sivisunerusumiluunniit tapiissuteqarnernik, misissuinissaq. Tapiissuteqartarnermik aaqqissuussinerit taakku allaffissornikkut ulapinnartut taassumalu kingunerisaanik sunniuteqanngitsumik pilersaarusiortarnermik kommuninit misigineqartarput, tak. namminersorlutik oqartussat kommunillu akornanni suleqatigiinnissamut isumaqatigiisummut nalunaarusiaq 2013-imeersoq.

Siunissami suliarinnittarnissamut oqallisissiamik saqqummiinissaq siunertaralugu suleqatigiissitat ataatsit arlalilluunniit KANUKOKA-mit, Aningaasaqarnermut Naalackersuisoqarfimmit naalackersuisoqarfinnillu suliamut attuumassuteqartunit inuttallit pilersinneqassapput, matuma ataani suliassaqaqarfiit ilaat ataatsimoortumik tapiissutit pillugit isumaqatigiisummi ilanngunneqartassanersut imaluunniit namminersorlutik oqartussanit utertitsiffigalugit akiliiffigisakkatut imaluunniit tapiissutigisakkatut aaqqiissutitut immikkoortutut ataannassanersut. Misissuinerimut atatillugu, suliniutit sunniutaannut tulluurtumik uuttuisoqassanersoq innersuussummik saqqummiisoqassaaq.

Meeqqat atuarfiata nalilersorneqarnerata malitseqartinnera

Ilinniartitaanermut Aqutsisoqarfik suliassat ilinniartitaanermut pilersaarummi taaneqartut pitsaanerusumik suliarineqarnissaat anguniarlugu ulloq 1. juni 2016 aaqqissuussaassutsumik allannguivoq. Meeqqat atuarfiata kissaatigineqartutut inerisarneqarnissaa anguniarlugu kommunit ilungersuuteqarnerannut Ilinniartitaanermut Aqutsisoqarfiup qanoq pitsaanerpaamik ikorfartuisinnaanera pillugu kommunit Namminersorlutillu Oqartussat qanimut oqaloqatigiinniarput.

Naalackersuisut meeqqat atuarfiannik misissuisoqarsimanera tunngavigalugu meeqqat atuarfianni suliniuteqarfiusussanik 5-inik immikkut toqqaasimavoq. Suliniuteqarfiusussat ukuupput:

- Pitsaassutsumik naliliiniarnermi periutsinik ineriartortitsinissaq

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

- Iliusissatut pilersaarutinin ineriartortitsineq (atuartunut mappit)
- Perorsaanikkut sulisoqarnikkullu pitsaanagerusumik aqutsisoqarneq
- Allamiut oqaasiinik ilinniarnrunissaq
- Atuarfiit angerlarsimaffiillu suleqatigiinnerat

Tamakku saniatigut kommunit namminneerlutik nakkutiginnittussaataanerisa nukittorsaaffiginis-
saat sulissutigeqqittariaqarpoq, peqatigitillugulu periutsinut qulaani taaneqartunut atugassanik pitsa-
assutsimut nalilersueriaatsinik ineriartortitsisoqarluni. Ilinniartitaanermut Aqutsisoqarfiup pitsaas-
sutsinik nalilersuinissamut najoqqutassat inerisarlugit aallartereerpai, sulineq tamanna kommuninik
qanimut oqaloqateqarluni naammassineqassasoq naatsorsuutigineqarpoq.

Ilinniartitaanermut Aqutsisoqarfiup susassaqarfiit Naalakkersuisut ilinniartitaanermut pilersaar-
taanni taaneqartut suli sulissutigisassai:

- Pitsaassutsimik atuarnermillu ineriartortitsineq kiisalu ilinniarneq aamma qaffassarneq
kommunit aamma Ilinniarfissuaq suleqatigisallu qanimut paaseqatigalugit suliarineqartussat
sulinerneq tassunga piffissamik atuinissamut pilersaarutigineqartussamik isumaqatigiis-
suteqassapput, ilaatigut ilanngullugit pitsaanagerusumik ataqatigiissaarisooqartarnissaa angunia-
rlugu suliaassanngooqqittartut ukiup ingerlanerani suliarinissaannut atugassamik isu-
maqatigiissuteqassapput.
- Allamiut oqaasiinik ilinniarnruneq, tamatumani tuluttut ilinniartitsineq pingaartinnerullugu.
Immikkut ilisimasalinnik suleqatigiissitaliortoqassaaq, taakkulu suliaqarfimmut innersuus-
sutinik saqqummiissapput aamma suliaqarfimmi allannguutissat pillugit siunnersuutinut
tunngatillugu sunniutaasussanut nassuiaateqassallutik.
- Angajoqqaat sunniuteqarsinnaanerit annertusarneqassaaq, ilaatigut angajoqqaat toqqaaneri-
sigut nuna tamakkerlugu angajoqqaat siunnersuisooqatigiiviniq pilersitsinikkut kommuninik
tamanit peqataaffigineqartumik. Tamanna pillugu inatsisissatut siunnersuut tusarniaassutigi-
neqarpoq, ilimanarporlu Inatsisartut 2016-imi ukiakkut ataatsimiinneranni eqqartorneqa-
rumaartoq, tullianillu kommuninut qinersisoqarpat atulernissaa naatsorsuutaalluni.
- Meeqqat atuarfiat pillugu inatsisip misissuiffigineqarnera aallartinneqareerpoq, ilaatigut na-
lilersuinermit nalunaarusiaq tunngavigalugu.
- Atuarfiit illutaasa kommuninik tiguneqarnissaat pillugu inassuteqaat paatsoorneqarsinnaann-
gitsoq.
- Immikkut ilinniartitsisarnerneq susassaqarfik suli ineriartortitsiffiuvoq.

Ilaatigut meeqqat atuarfiat pillugu nalilersuineq tunngavigalugu meeqqat atuarfiat pillugu inatsit
misissuiffigalugu aallartinneqarpoq, pingaartumik suliaqarfiit taakku UKA 2017-imi saqqummi-
unneqarnissaat naatsorsuutaavoq.

- Allamiut oqaasiinik ilinniarnrunissaq
- 11. klassinik pilersitsinissaq
- Ilinniartitsissut "*najukkani qinigassat*" pillugu killiliussanik misissuineq aamma meeqqat
atuarfianni timersornerup atorneqarnerunissaa.

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

- Misilitsittarnerup eqqaannermik periarfissaqarnissaa pillugu misilitsittarnermut nalunaarutip misissuiffiginissaa.
- Ilinniartitsissutini anguniakkat il.il. misissuiffigerat.

Naalackersuisut ataatsimut isigalugu aaqqissuussat pitsanngortinnissaannik kissaateqarput, taamaasilluni anguniakkat akuersissutigineqartut atulersinnaqarnissaat qulakkeerneqassammat.

Taamaattumik Namminersorlutik Oqartussat kommunillu isumaqatigiissutigaa anguniakkanik isumaqatigiissutigineqartunik angusaqarnissamut qulakkeerrinnittussanik, piumassuseqalersitsinissamut ineriartortitsinissamullu isumaqatigiissuteqarnissamut suliaqassallutik. Tamanna pillugu 2016-ip naannginnerani Namminersorlutik Oqartussat kommunillu akornanni isumaqatigiittoqarnissaa naatsorsuutigineqarpoq.

Kommunit nammineerlutik suliniutissaqarput ilaatigullu isumaqatigiillutik digitalikkut ilinniarsinnaanermut suliniut annertusassallugu. Pisariaqartinneqarpoq, meeqqat atuarfiannik ineriartortitsinissamut periusissamik kommunit Namminersorlutillu Oqartussat ataatsimoorlutik suliaqarnissaat.

Inuusuttunut suliniutit:

Inuusuttorpassuit meeqqat atuarfiat qimakkaangamikku ullumikkut ilinniagaqalerneq ajorput. Inuusuttut ingerlariaqqinnissaannik ilinnialernissamullu piareersimanissaannik ikiuinnermut kommunit namminersorlutillu oqartussat aningaasarpassuarnik atuisarput. Aningaasat taakku ilaatigut ilinniartitaanerpiamut atugassanngortinneqartarput, taamaammallu pingaaruteqarpoq suliniutaasut tamakku siunissami annikillissarnissaat, suliniullu ingerlaavartumik nalilersortarlugu. Suli atualinngitsut meeqqallu atuarfiat inuusuttunik sullinniakkanik ikilisaanissamut tunngatillugu pingaaruteqarluinnarput.

Susasaqartut peqatigiillutik inuusuttut 18-it 25-llu akornanni ukiullit anguniagaqarnerusumik suliniuteqarfigniarpaat. Aamma isumaginninnikkut ikiorsiissuteqartarnerup ilinniagaqarnerisuteqartitsisarnerullu iluarsartuuteqqinneqarnissannut atatillugu amerlanerit ilinniagaqalernissamut ilinniagaqarnermillu tunngaveqalernissamut kajumissuseqarnerulersinnissannut periarfissat erseqinnerusumik misissorneqassapput.

Inuusuttut sullinniakkat (15-18-inik ukiullit) ilinniagaqalersimanngitsut aamma aqutissiuunneqak-kajuttartut nalilersorneqarnerat Namminersorlutik Oqartussat kommunillu 2016-imi naammassivaat.

Nalilersuisoqarnissaanut aqutsisoqatigiit arlalinnik kaammattuuteqarsimapput, taakkunanilu ilaat aallartereersimanngikkunik ilaat 2016-ip aamma 2017-ip ingerlanerani aallartinniarnearput, ilaallu aningaasanut inatsimmut atatillugu Inatsisartunit isummerfigineqarnissaat aningaasaliiffigineqarnissaallu pisariaqartinneqarluni.

Inuusuttut inuusutissarsiutinut piginnaanngorsarfiusunut ilinniarnissaannik piareersimaqqullugit inassutigineqartut aallaavigalugit suliffissaaleqisut ikilisarneqassasut isumaqatigiissutigineqarpoq,

tamannalu aqutigalugu suliffimmik suliffiunnarsinnaasumik nassaarnissaq periarfissaqartinnerulerlugu.

Siunissami aningaasat inuusuttunut sullinniakkanut atorneqartut ikilisarnissaat anguniagaavoq. Tamanna anguneqassappat pinngitsoorani piunasaqaataasariaqarpoq atuartut misilitsinnerminni angusarisartagaasa malunnartumik qaffannissaat meeqqallu atuarfiat ilorraap tungaanut aallartillugu. Inuusuttut sullinniakkat ikilisarneqarnerisa iluatsinnerata nassataanik ilinniartitaanermi – aningaasaqarneq inissaqartitsiniarnerlu – tatineqarnerulissapput, ataatsimulli isigalugu ingerlatsinnermi aningaasartuutit ikilissapput aamma amerlanerit ilinniagaqalernerisa maannamullu naleqqiullugu inuusunnerullutik ilinniakkaminnik naammassisarnerisa nassataanik inuiaqatigiit aningaasaqarnerat pitsaanerulissaaq.

Suleqatigiissitaq kommuninit naalackersuisoqarfinnillu suliamut attuumassutilinnit peqataataqartoq pilersinneqassaaq, sammisat naalackersuinikkut suliarineqareerneranni nalunaarusiamut malitsitut aamma sammisat pillugit kommuninik immikkut ittumik isumaqatigiissuteqarnissaq pitsaanerulersinniarlugu.

Inuiaqatigiit akisussaassuseqarnerat pillugu Inatsisissatut siunnersuut (Ilinniartut suliffimmillu misiliisut pillugit) Naalackersuisut UKA2016-imi saqqummiutissagaat naatsorsuutigineqarpoq. Tasunga atatillugu kommuninut kinguneqaatissat qulaajarniarlugit suleqatigiissitaq Inuusutissarsiornermut Naalackersuisoqarfimmit, IKINN-imit, Aningaasaqarnermut Naalackersuisoqarfimmit aamma KANUKOKA-mit inuttaqartoq pilersinniarneqarpoq.

Digitaliseeriineq:

Nuna tamakkerlugu digitaliseeriinissamut periusissaq 2014-2017 aqutigalugu pisortat ingerlataqarfiini tamarmiusuni digitaliseeriinnermi aqutissat pingaarutillit saqqummiunneqarput. Namminersorlutik Oqartussat kommunillu isumaqatigiissutigaat suliniutit arlallit salliutinniarlugit, suliniutit aqutigalugit allaffissornermi suliassat aamma innuttaasunik kiffartuussinnermi suliassat pitsaanerusumik naammassineqartassapput kiisalu aamma aningaasatigut iluanaarutaassallutik.

Maannakkorpiaq ilaatigut suliniutit makku piareersarneqarput imaluunniit ingerlanneqarput:

- Allagarsiat digitaliusut
- Video atorlugu attaveqarneq
- Pisortat ataatsimoortumik aningaasaqarnermik aqutsissutaat
- Imminut sullinneruneq (Sullissivik)
- Pigaartuunissamut pilersaarutit digitaliusut
- Ataatsimoortumik tunngaviusumik nalunaarsuineq
- Inummut paasissutissat pillugit inatsisip nutaap atuutilersinneqarnera

Susassaqartut isumaqatigiippat suliniutissatut inaarutaasumik akuerineqarsimasut siuartinneqarnissaat pisariaqartinneqartoq aamma iluanaarutit pilersaarutit tamarmiusup nassuiarneqarneranit tunngaveqartut piviusunngortinneqarnissaat sapinngisamik suleqatigiissutigineqassat.

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

Susasaqartut isumaqatigiipput innuttaasunut sullissiviup, Sullissivik, ingerlaneqarnera inerisarneqarneralu suli salliutinneqassasoq. Susasaqartut isumaqatigiipput Sullissiviup inerisaqqinneqarnissaanut pilersaarusiortoqassasoq, tassungalu ilanngullugu aningaasatigut sulisussatigullu isumalluutini pingaarnersiueqqinnissamut ataatsimut tunngavissiisoqassasoq aamma pisortat ataatsimoorlutik digitaliseeriinermi suliniutaannut allanut tunngatillugu ataqatigiissaarilluartarnissaq qulakkeerneqassasoq kiisalu susasaqarfimmi pitsaasunik erseqqissunillu atugassaqartitsiniarluni inatsimmik pisariaqartitsisoqarnersoq pillugu qulaajaasoqassasoq.

Isertitat tunngaviusussat kingullit

Ukioq 2015 tikillugu aningaasarsiat akileraaruteqaataasussat isumaginninnikkut ikiorsiissutit tunniunneqaraangata isertitanut tunngavittut atorneqartarput. Tassa aningaasarsiat ikiorsiissutini tunniussinissamut uuttortaatigineqartut, isertitanut tunngaviusut qaammatit 20-t angullugit pisoqaasuseqarsinnaapput. Ineqarnermut tapiissutit kiisalu siusinaartumik utoqqalinermilu pensionisiat pillugit inatsisit akuerineqarnerisigut ingerlataqarfimmi arlalinni tamanna 2016-imit iluarsiiqqineqarpoq, tassa ikiorsiissutinut taakkununga tunngaviusut tigusissusap aningaasatigut piffimmi inissisimaneranut naapertuuttunngortillugu.

Kommunit Namminersorlutillu Oqartussat isumaqatigiipput isertitanik piffimmi tunngavigineqartunik atuinermi sapinngisamik susasaqarfippassuit ilaatinneqartassasut, taakkununga aamma ilanngullugit piniarnermut allagartat aamma ulluunerani paaqqinnittarfinnut akiliutigineqartartut. Tamanna pillugu inatsisissaq piareersarneqarpoq kiisalu pisariaqartinneqartumik pissutsinut naleqqussaanissaq piareersarneqarluni.

Siunertamut tassunga IT-mi ataqatigiissumik aqqissuussaq inerisarneqarsimavoq, aqqissuussaq kommunit innuttaasut piffimmi isertitaat pillugit paasissutissanik pissarsiniaraangamik atorinnaasaat. Kissaatigineqarsimavoq IT-mi ataqatigiissumik aqqissuussaq inerisarneqassasoq susasaqarfippassuarni sapinngisamik atorneqartarnissaa anguniarlugu. IT-mi ataqatigiissumik aqqissuussap inerisarneqarnissaanut aserfallatsaalineqarnissaanullu aningaasartuutissat Namminersorlutik Oqartussat katillugit 500.000 kr.-nik aningaasaliiffiginiarniarpaat.

Pisiniartarnerup tungaatigut kommunit aamma Namminersorlutik Oqartussat akornanni suleqatigiinnissap aallartisarneqarnera

'Namminersorlutik Oqartussat aamma kommunit akornanni suleqatigiinnissamik isumaqatigiissummut nassuiaat' 2013-imeersoq aqutugalugu siunnersuutigineqarpoq kommunit Namminersorlutillu Oqartussat pisortat pisiortarnerannut tunngatillugu susasaqartut ataatsimut oqallittarfissaannik pilersitsissasut. Taamatut oqallittarfiliorniarnermi siunertarineqarput pisortat pisiortarneranni unammilligassat suunerinik paasiniaanissaq, unammilligassat taakku iluarsiiqqiniarlugit pisortat ataatsimut suleqatigiinneranni periarfissanik misissuinissaq kiisalu susasaqarfiiit akimorlugit isumaqatigiissuteqarnissaq. Taakkua isumagineqassappata kommunini Namminersorlutillu Oqartussani maanna inissisimaneq tamakkiisumik takuneqarsinnaasariaqarpoq.

Kommunit Namminersorlutillu Oqartussat suleqatigiinnerat pitsanngorsaaviginiarlugu pisiortarnermut isumaqatigiissutinullu, periusissiamut, unammilleqatigiissitsinermut aamma

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

kommunini ataasiakkaani pisiortortarnermut akisussaasut soqutigisaannik soqutigineqataanermut tunngatillugit oqaloqatigiittarneq annertusarneqarpoq. Suliami tassani inuiaqatigiit aningaasaqarnerannik isumaginninnissaq aamma ilanngunneqassaaq, tassani suliffeqarfiit ilinniartoqarnissamut kajumissuseqalersinniarlugit periarfissat eqqarsaatigineqarput. Taamaalilluni pisiortortarnermut politikimi sutigut tamatigut akikinnerpaaq aallaavigineqartassanngilaq. Suleqatigiinnermi kommunit pisiniartarnerminni namminneq atuisinnaatitaanerit innarlerniarneqanngilaq.

Susasaqartut isumaqatigiissutigat pisortat pisiortortarnerisa erseqqissumik paasiuminartumillu atugasaqartinneqarnissaat qulakkeerniarlugu ataatsimut inatsisissamik piareersaalluni sulineq aallartinneqassasoq.

Pisortat ingerlataqarfiini piginnaanngorsaqinnek:

Namminersorlutik Oqartussani aamma Kommuneqarfik Sermersuumi aningaasaqarnermik aqutsinissamut piginnaasat qulaajarneqarnerat 2015-imi naammassineqarpoq. Susasaqartut isumaqatigiippat inaarutaasumik nalunaarusiaq tunngavigalugu nalunaarusiami inassutigineqartut siunnerfeqartumik malitseqartinneqassasut, tassa pisortat ataatsimoorussamik ingerlatsinerannut tamanna naapertuuppat.

Tassunga ilanngullugu susasaqartut isumaqatigiissutigat sulisut pisortallu ilinniartinneqartarnerat piginnaanngorsaqinnekartarnerallu pillugu suleqatigiinneq ingerlatiinnarneqassasoq aamma kommuninit Namminersorlutillu Oqartussanit peqataatitaqarluni pisortat ataatsimut piginnaasanik ineriartortitsiveqarfiannik pilersitsiniartoqassasoq. Piginnaasanik ineriartortitsiviup ilinniartoqarfiit suleqatigalugit pisortat sulisullu inerisarneqarnerat ataqatigiissassavai, piginnaasat assigiinngisutaannik misissueqqissaassaaq kiisalu nunami maani ilaatigut piginnaasat nalinginnaasumillu ilisimasat annertusarniarlugit suliffimmi avatangiisinut tunngasutigut suliniutit ataqatigiissaassavai.

Siunissami nuna tamakkerlugu atornearluisunik katsorsaaneq:

Maanna neqeroorutaasut tunngavigalugit Peqqinnissaqarfiup akisussaaffigaa atornearluisunik katsorsaaneq, kommunilli akisussaaffigalugu katsorsartittussanik innersuussisarneq aamma innuttaasunik katsorsaaneq ataatillugu aningaasartuutit akilerneqarnissaat.

Nalilersuinerit assigiinngitsut takutittarpaat inuiaqatigiit aningaasarsiornerannut akilersinnaasoq atornearluisunik katsorsaasoqartarnera. Atornearluisuinerit inuiaqatigiinnut akisuujupput, meeqqanik sumiginnaaneq, meeqqanik angerlarsimaffiup avataanut inissiisarneq, siusinaarluni soraarnerussuti-siat, isumaginninnikkut ikiorsiissutit, ilinniagaqarnissaagaluamik naammassinninnginnerit sulisinaanermillu atuinnginneq, sulinikkut isertitassaraluanik annaasaqartarneq, persuttaasarnerit, pinnerluttarnerit ajoquserarnerillu pissutigalugit.

Naatsorsuutigineqassaaq siunissami nuna tamakkerlugu atornearluisunik katsorsaaneq ingerlatsinerit kingunissaat pitsaasut ukiut marlussuit ingerlaneranni sunniukkiartulissasut. Nalilersuinerit taakkua kingunerisassaat kommuninut ataatsimoorumik tapiissutissat isumaqatiginninniarfigi-

neqarnerinut ilaatinneqassapput, tassa tamatumuunakkut kommunini aningaasartuutaasartut iserti-taasartullu ajunngitsumik sunnerneqartussaammata.

Pilersaarutilli tamarmiusut sunniutissai iluaqutiginiarlugit pingaaruteqarpoq ingerlataqarfiiit katsorsaasarnermik aaqqissuussinerup toqqaannartumik sunniuteqarfigisassaasa ilanngunneqarnissaat aamma kommunit Namminersorlutillu Oqartussat akornanni ataqatigiissaarisooqartarnissaa. Piffissaq ungasinnerusoq eqqarsaatigalugu atornerluisunik katsorsaasarnissamut pilersaarut, isumaginnin-nermi aningaasartuutit annikillineri pissutaallutik, kommunini sipaaruteqangaatsiarnermik nassata-qassapat ataatsimoortumik tapiissutit apparneqarnerannik kinguneqartumik, siunissami suliap na-lilersorneqareernerani misissorneqarlunilu tamanna siunissami isumaqatiginninniarnerni qaqler-neqartassaaq.

Eqqagassalerinermi immikkoortunut pilersaarut:

Eqqakkat eqqakkanullu tunngatillugit ajornartorsiutit inuiaqatigiinnut annertunerujartortumik sunniuteqarput. ”Eqqakkat pillugit iliuusissatut pilersaarut 2010-2021” tunngaviuvoq pisortat eqqagassalerinermi sulianik ingerlatsineranni kommunillu eqqagassanik suliaqarneranni killiliussassanik pingaarnernik aalajangersaasuulluni. ”Eqqaavilerinermut tunngatillugu immikkoortunut pilersaarut” eqqakkat pillugit iliuusissatut pilersaaruttip ilaatut isigineqassaaq. Sanaartornermi immikkoortunut pilersaarummi eqqaaveqarnerup iluani pisariaqartitat qitiutinneqarput. Taamaalilluni eqqagassalerinermi anguniakkat unammilligassallu ”Eqqakkat pillugit iliuusissatut pilersaarut 2010-2021”-mi aamma ”Eqqaavilerinermut tunngatillugu immikkoortunut pilersaarut”-mi 2015-imeersumi erseqqissumik allaaserineqarput.

Eqqagassalerineq avatangiisinut inatsit naapertorlugu kommunit suliaqarfigaat, kommunillu tamatumunnga atatillugu suliaasaat toqqaannartumik Avatangiisit innarlitsaaliorneqarnissaanik Inatsisartut inatsisaanni nr. 9, 22. november 2011-imeersumi (kingusinnerusukku avatangiisit innarlitsaaliorneqarnissaanik inatsit) kapitali 7-imi allasimapput. Tassani ersippoq kommunalbestyrelsip eqqagassat eqqarneqarnissaat isumagissagaa, soorlu eqqagassalerinermut kommunalbestyrelsi pilersaarusiussasoq - qulaajaallunilu, taannalu eqikkarneqassasoq kommunimi eqqagassalerinermut pilersaarutit.

Kommunit eqqagassalerinermut pilersaarutaat Naalakkersuisut pingaarnertut eqqagassalerinermut pilersaarutaannut il. il. naapertuuttuussaaq. Tassa kommunit inatsit atuuttoq naapertorlugu akisussaaffigaat eqqakkanut tunngatillugu aaqqissuussanik ingerlatsineq aamma eqqakkanik tigooraaneq isumaginninnerlu aqutigalugit eqqakkannik ulluinnarni isumaginninnissaaq. Ingerlatsiviit taakku tassaapput eqqaavissuit, ikuallaaviit, anartarfiit ungalui/ anartarfilerissutit aamma eqqakkanik ulorianartunik tigooqqaaviit. Pinngortitamut, Avatangiisinut Nukissiteqarnermullu Naalakkersuisooqarfiup qitiusumik oqartussatut eqqakkat pillugit suliniutit malittaralugillu iliuseqarnermigut ineriartortitsisussaavoq.

”Eqqaavilerinermut tunngatillugu immikkoortunut pilersaarut” kommunini sisamaasuni eqqagassalerinerup eqqaaveqarfeqarnerullu qulaajaaffigineqarsimanerannik tunngaveqarpoq. Qulaajaanerup

uppernarsarpaa eqqagassalerinermi suliniuteqarnerunissaq pisariaqartilluinnarneqartoq aamma eqqagassalerineq ullutsinnut naleqquttumik ingerlanneqalersikkumallugu aamma avatangiisinut inatsimmi atuuttumi allassimasutut BAT-imi tunngaviusunut ("Best Available Technology") naapertuuttumik ingerlassinnaajumallugu eqqaavinnut aningaasaliissuteqarnissaq pisariaqartinneqartoq.

Piffissami matumani killiffiusumi ataatsimut ajornartorsiutaapput anartarfilerinermut atatillugu eqqiluisaarnissamut tunngassuteqartut, ikuallaaviit pujuisa akornutaasarnerat ikuallaaviillu aserfal-latsaalineqanngittarneri kiisalu illoqarfinni nunaqarfinnilu amerlasuuni nakkutigineqanngitsumik eqqaavissuarni eqqakkanik isumaginnittarneq. Kommunit suliaasaat annertusineqassappata (qaffa-sinnerusunngortinneqarpata) ataatsimoortumik tapiissutit aqqutigalugit kommunit aningaasartuutaat matussuserneqassapput, tak. DUT-mi tunngavik.

Avatangiisinut inatsit avatangiisit pillugit tunngavinnik arlalinnik imaqarpoq, tamatumani aamma mingutsitsisup akiliisussaanera pillugu tunngavik. Kapitali ilivitsiq eqqakkanut tunngassuteqarpoq, tassani § 39-mi allassimavoq eqqagassalerinermi aningaasartuutit matussuserniarlugit kommunit aalajangersarsinnaagaat akitsuutit annertussusissaat. Inatsit naapertorlugu kommunit periarfissaqarput eqqaavinnik pilersitsinermi ingerlatsinermilu aningaasartuutivinnik akitsuusiinikkut matussusiinissamut, tamannali taamaallaat killilimmik periarfissiivoq. Eqqaavimmik pilersitsinermi aningaasartuutit atuisunit tamakkiisumik matussuserneqarsinnaanaviannngillat. Akitsuutitigulli matussusiisarneq "mingutsitsisup akiliinissaanik" tunngavimmut naapertuuppoq inuillu ataasiakkaat mingutsitsinerminnik annikillisaanissaannut kajumissuseqalersitsilluni.

Eqqaavilerinermut tunngatillugu immikkoortunut pilersaarummi nalilerneqarpoq ukiuni qulini tul-liuttuni aningaasaliissuteqartoqarnissaanik pisariaqartitsisoqartoq. Aningaasaliissuteqarnissamut pisariaqartitsineq tamarmiusoq suli nalorninartortaqarpoq. Taamaammat pingaaruteqarpoq kommu-nit nuna tamakkerlugu immikkoortunut pilersaarusiornermut atatillugu eqqakkanut tunngatillugu pilersaarusiornissaat kommunit immikkoortunut pilersaarutaannut ilanngunneqartussamik.

Naalackersuisut 2017-imut aningaasanut inatsisissatut siunnersuummi aningaasaliissutissat 14,3 mio. korduuniusut 'Avatangiisinut atortunut tapiissutit' pillugit konto pingaarnermut 77.05.08-mut immikkoortippaat. Aningaasaliissutit eqqaavilerinerup ineriartortittuarneqarnissaa qulakkeerniar-lugu immikkoortinneqarput, tassa konto pingaarnermi 77.05.08-mi avatangiisinut tunngatillugu atortorissaarutiniq sanaartornissap aningaasaliiffigineqarnissaanut Namminersorlutik Oqartussat tapiissuteqarsinnaaqullugit. Taamaalilluni suliaasaqarfimmi aningaasaliiffigineqarnissamik pisari-aqartitat ilaat aningaasaliissutitigut matussuserneqarsinnaassapput.

Inatsit atuuttoq naapertorlugu oqaatigineqartutut eqqagassalerineq kommunip isumagisassarivaa aamma eqqagassalerinermi immikkoortunut pilersaarut pilersaarummut tamarmiusumut aningaasa-liissuteqarnissamik siunnersuutitaqanngilaq.

Taamaammat ataatsimoortumik tapiissutit pillugit kommunit isumaqatiginninniarfigineqarnerat aqqutigalugu imaluunniit immikkut ittumik isumaqatigiissuteqarnermik malitseqartitsinerup ilaatut pilersaarutip aningaasaliiffigineqarnissaa pillugu kommunit oqaloqatigineqarput. Aamma qu-

larnaarneqassaaq piunasaqaatit qitiusumit aalajangersarneqartut aningaasaqarnermut qanoq kinguneqassanersut taakkulu qanoq aningaasalersorneqassanersut aamma atuisut akiliutaat aqqugalugit aningaasalersorneqassanersut.

Susasaqartut isumaqatigiissutigaat nunamut tamarmut piunasaqaatit nutaat tunngavigalugit ullut-sinnut naleqqunnerusumik avatangiisinullu naapertuuttumik aaqqiissutissatut aalajangersarneqartut qanoq aningaasalersorneqarsinnaanerit pillugu qulaajaaneq naammassineqassasoq aamma avitsilluni aningaasalersueriaatsip atorunnaarsinneqarneratigut suliassaqaarfimmi akisuussaaffik pingarne-rutitassallu paasiuminaallissanersut qulaajaaffiqineqassasoq. Suleqatigiissitanik sukkasuumik sulisussanik pilersitsisoqassaaq, taakku aningaasaleeriaasissamut siunnersuummik piviusumik saqqummiussissapput, matuma ataani eqqaaveqarfinni immikkoortumut pilersaarummut atatillugu iliussissanik akisuussaaffinnillu agguaneq.

Susasaqartut ilisimavaat kommunini avatangiisinut atortut atuuttut annertunerpaartaat kommuninut aningaasaliissutinik aningaasalersorneqanngitsut, tassalu namminersorlutik oqartussanik qallunaallu naalagaaffiannit aningaasalersorneqarlutik (DANCEA-midler). Susasaqartut isumaqatigiissutigaat suliassaqaarfimmi ingerlaaseq misissorluarniarlugu, matuma ataani aningaasaliinerit atuunnissap akisuussaasullu agguataarneri pillugit isumaqatigiissutit. Atortunik nutaanik annertuumik aningaasaliinissamut kommunit periarfissaat killeqarput, tamanna nalilerneqarpoq kommunini missin-gersuutini aningaasat atorsinnaasat aallaavigalugit. Tamanna tunngavigalugu susasaqartut isumaqatigiipput, avatangiisinut atortut pisoqalilersut nutartissallugit, kommunini ikuallaaviit immik-kut sammillugit, aningaasaliinissaq pillugu 2016-17-imi isumaqatiginninniartoqassasoq.

Soraarnerussutisiaqartitsinermi aaqqissuusseqqinneq:

Ukiuni aggersuni utoqqaat amerliartuinnartussat eqqarsaatigalugit aningaasaqarnerup at-tanneqarsinnaanera Naalakkersuisut pitsaanerulersikkusuppaat. Tassunga atatillugu soraarnerussuti-siaqartitsinermi aaqqissuusseqqinneq akuerineqarpoq, taassuma imarai:

- utoqqalinersiaqartitsinermik aaqqissuusinerup allanngortinneqarnissaa, ilaatigut utoqqali-nersiaqarsinnaanermut ukiorititat qaffasinnerulersinneqarnerisigut,
- aaqqissuusassutsip pisariinnerulersinneqarnissaa - aallaavittut tunngaviumik pisar-tagaqarneq ilassutitullu pisartagaqarneq kiisalu soraarnerussutisiallit naligiissilerisigut,
- tunngaviumik pisartakkat aappaasup isertitaasa annertussusaannut attuumassuteqarun-naarsinneqarnissaat,
- periutsinik naleqquttunik nassaarnissaq, taamaalilluni sapinngisamik ukiussarititatut killili-ussanik naammassinnittut tamarmik tunngaviumik pisartagaqalersinnaalersillugit.

Aamma aaqqissuusseqqinneq soraarnerussutisiaqarnissamut aaqqissuusinerit nunani allaniittunut akiliutit akileraaruserneqartarnissaannik imalik naammassineqarpoq, taamaalilluni soraarnerussuti-siat Kalaallit Nunaanni katersorneqarsimasut maani nunami akileraaruserneqartalerlutik. Inatsit ukiuni aggersuni atuutilersinneqassaaq.

Tamatuma saniatigut soraarnerussutisiaqartitsisarnermi aaqqissuusseqqinnissat allat naatsorsuutigineqarput, tassa UKA 2016-imi inatsisissatut siunnersuuteqarneq aqutugalugu sulinikkut isertitanit pinngitsoorani soraarnerussutisiaqalernissamut annertunerungaartumik katersuisarnissaq atuutilersinnarlugu.

Aaqqissuusseqqinneq aningaasaqarnikkut kommuninut kinguneqassaaq, tamanna Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfiup, Aningaasaqarnermut Naalakkersuisoqarfiup kommunillu akornanni suliap ingerlateqqinneqarnerani qulaajaavigineqassaaq.

Aamma utoqqarnik isumaginninnermut tunngatillugu sanaartornermi ingerlatsinermilu pingaaruteqarpoq Namminersorlutik Oqartussat kommunillu utoqqaat amerliartornissaannut maanna piareersalernissaat. Tamanna pissaaq suliassaqaqfimmi immikkoortunut pilersaarutiginiarneqartut aqutugalugit, tamatumani kommunit Namminersorlutillu Oqartussat suleqatigiilluartariaqarput. Naleqqussaanissat sanaartornermullu aningaasaliissuteqarnissat pisariaqartinneqartut piareersarlarsinnaajumallugit immikkoortunut pilersaarusionerq tamanna ukiuni aggersuni pingaarnertut salliutinneqassaaq.

2017-imi kommuninut ataatsimoortumik tapiissutit

2017-imi kommuninut ataatsimoortumik tapiissutit 1. 329.777.000 kr.-nik annertussuseqassapput. Ilanngussaq 1-imi takuneqarsinnaavoq isumaqatigiissut aqutugalugu ataatsimoortumik tapiissutit 2016-imut sanilliullugu qanoq allanngortinneqarsimanersut. Isumaqatigiissummi immikkuualuttortat ataani nassuiaatigineqarput.

1. Akinut akissarsianullu iluarsiiissutit

2016-imut ataatsimoortumik tapiissutit pillugit isumaqatigiissummi 2017-imut ataatsimoortumik tapiissutissanut aallaaviusoq 1.346,4 mio. kr.-nik annertussuseqarpoq. 2017-imut isumaqatigiissummi ilaavoq kommunit inatsisit naapertorlugit ineqarnermut akiliutinut tapiissutaannut aamma siusinaartumik soraarnerussutisianut atatillugu aningaasartuutaannut inaarutaasumik katillugit 135 mio. kr.-nik akiliuteqarsimaneq. Aamma Danmarkimi nunatsinnilu inissiinissanut aningaasanut inatsimmi qitiusumik immikkoortitat 9 mio. kr.-usut kommunit aningaasassaraat. 2017-imi ataatsimoortumik tapiissutissanut aallaaviusoq pineqartut taakku iluarsiiisutigereerlugit 1.220,4 mio. kr.-nik annertussuseqalerpoq.

Susasaqartut isumaqatigiissutigaa 2016-imi ataatsimoortumik tapiissutit aallaavigalugit siuliani pineqartut 1.220,4 mio. kr.-usunit 1,13 %-it akinut akissarsianullu iluarsiiisutigineqassasut, taakku 2017-imi 13,8 mio. kr.-nik naleqassapput.

2. 2015-imut ineqarnermut tapiissutit iluarsiiivigineqarneri

2015-imi ineqarnermut tapiissutinut aningaasartuutigineqartut naatsorsuutigisamit appasinne-rusimapput. Susasaqartut isumaqatigiissutigaa 2017-imi kommuninut ataatsimoortumik tapiissu-

tissat 2.465.000 kr.-nik ikilisinneqassasut, tassa naatsorsuutigisamut sanilliullugu 2015-imi atuisi-manermut akiliutitut.

3. 2015-imi siusinaartumik soraarnerussutisiat iluarsivigineqarneri

2015-imi siusinaartumik soraarnerussutisiant aningaasartuutigineqartut naatsorsuutigisamit appa-sinnerungaatsiarsimapput. Tamanna tunngavigalugu susassaqtut isumaqatigiissutigaat 2017-imi kommuninut ataatsimoortumik tapiissutissat 15.485.000 kr.-nik ikilisinneqassasut.

4. Danmarkimi Kalaallilu Nunaanni inissiinernut qitiusumik aningaasaliissutit

2011-mi Innarluutilinnut susassaqtarfiup kommuninut tunniunneqarneranut atatillugu isumaqatigiis-sutigineqarpoq innarluutilit Danmarkimi immikkut ittumik akisuupilussuarmik inissinneqarneranni kommuninut aningaasatigut tapersiissutissat qitiusutut siunertamut aningaasassat aningaasanut inatsimmit immikkoortinneqartassasut. Tamatuma kingorna aningaasaliissutit nunatsinni inissiisar-nernut aamma atorsinnaasunngortinneqarput. Aningaasat immikkoortitat aningaasanut inatsimmi Danmarkimi Kalaallit Nunaannilu inissiinernut qitiusumik immikkoortitat pillugit konto pingaarne-rup 30.13.07-ip ataani inissinneqarput.

Siunertamut aningaasat immikkoortinneqartut ataatsimoortumik tapiissutit ikilisinneqarnerisigut aningaasalersorneqassapput.

Aningaasat 9 mio kr.-usut aningaasanut inatsimmi Danmarkimi Kalaallit Nunaannilu inissiinernut qitiusumik immikkoortitat pillugit konto pingaarnerup 30.13.07-ip ataani 2015-imi immikkoortin-neqarput. Taamaattoq aningaasanit immikkoortitanit 5.496.000 kr.-t 2015-imi atorneqarsimapput, taamaammat 2017-imi ataatsimoortumik tapiissutissat 3.504.000 kr.-nik amerlineqarput, 2015-imi atuinikinnerussutigisimasanut naapertuuttumik.

5. 2012-imi akileraarusersuineramik allannguinerup atuutsilerneru

Inatsisartut 2012-imi ukiakkut ataatsimiinnermini akileraartarnikkut allannguisoqarnissaa akuer-sissutigaat. Akileraarusersuisarnermik allannguinerit ilaatigut sinneqartoorutitut ingerlaannartumil-lu nalikilliliisarnernut malittarisassanut tunngasuupput, tassani aningaasatigut kingunerisassat ukiut arlallit ingerlaneranni atortuulersikkiartuaarneqassapput.

Tamanna tunngavigalugu susassaqtut isumaqatigiissutigaat ataatsimoortumik tapiissutit 2020-miit 1.268.000 kr.-nik qaffanneqassasut.

6. Siusinaartumik soraarnerussutisiaqartitsisarnermik aaqqissuusseqqinnermi sullissisarne-rup pitsanngorsaaffigineqarnera

Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq atuuti-lerpoq ulloq 1. juli 2016.

Siusinaartumik soraarnerussutisiaqartitsisarnermik aaqqissuusap atuutsinneqalernissaanut suliaqar-nissaq kommunini ukioq naallugu arfineq pingasunik sulisoqarluni ingerlanneqassasoq inatsisissa-mik piareersaanermut atatillugu nalilerneqarpoq. Taamaammat ilassutitut isumaqatigiissutit ulloq

13. november 2015 atsiornertigut 2016-imi siunertamut 2016-imut ataatsimoortumik tapiissutit 1,6 mio. kr.-nik ilaneqarput, piffissamullu 2017-2020-mut siunertamut 3,2 mio. kr.-nik tunniussisoqarniarluni.

Inatsisip atuutilersinneqarneranut atatillugu kommunit arlallit tikkuarpaat sulianik ingerlatsineq nalilerneqarneraniit annertunerussasoq. Tamanna tunngavigalugu ataatsimoortumik tapiissutit 2016-imi 1.500.000 kr.-nik, 2017-imi 3.000.000 kr.-nik aamma 2018-imi 1.500.000 kr.-nik ilaneqassasut susasaqartut september 2016-imi ilassutitut isumaqatigiissutigaat, taamaalilluni ulloq 1. juli 2016 inatsisip atuutileranerit 1. juli 2018-ip tungaanut ukiumut arfineq marlunnik sulisoqarnermut naapertuuttumik kommunit aningaasaliiffigineqarput.

Siusinaartumik pensionisiat pillugit inatsisip nutaap kingunerissanik siusinaartumik pensionisiallit 60-it ataallugit ukiullit sulisinnaassutsimikkut nalilerneqarnissartik tikillugu ikaarsaariarnermi aaqqissuussamiissapput, tamatumalu kingorna aaqqissuussamut nutaamut nuullutik. Aaqqissuusseqqinnerulli atulersinniarnerani paasinarsivoq aaqqissuusseqqinneq siusinaartumik soraarnerusutisiallit ilaannut ikaarsaariarneq ajortumik sunniteqalersimasoq. Tamatumunnga pissutaavoq siusinaartumik pensionisiallit isertitaat apeqquataatinnagit siusinaartumik pensionisiat annertunerpaaffiisa 20 pct.-iannik pisarnissaat pillugu malittarisassaqaqtitsineq ikaarsaariarnermi ingerlateqqinneqarsimangimmat, siusinaartumillu pensionisialinnut inoqutigiinni 400.000 kr.-nik aningaasarsialinni qaffasinnerpaamik pisartagalinnut aaqqissuussami nutaami ingerlatiinnarneqarsimaluni.

Taamaammat pingaaruteqarpoq siusinaartumik pensionisiallit ikaarsaariarnermi annasaqartut piarnerpaamik sulisinnaassutsimikkut naliliiffigineqassasut, taamaalillutik aaqqissuussamut nutaamut nuussinnaaqqullugit.

Ilassutitut isumaqatigiissutip matuma atsiornertigut susasaqartut isumaqatigiipput sullitanut taak-kununnga sulianik ingerlatsineq kommuninit pingaartinneqarnerulissasoq, taamaalillutillu aaqqissuussamut nutaamut piaartumik ikaarsaarsinnaaqqullugit. Susasaqartuttaaq isumaqatigiipput, kingusinnerpaamik 2018-imi, aaqqissuusseqqinneq piffissami naammattumi atuutereerpat, siusinaartumik pensionisiaqarneq pillugu inatsisip nutaap aningaasaqarnikkut kingunerisai nalilersussallugit.

7. Atornerluinermut akeqanngitsumik katsorsaasarneq

2016-imut aningaasanut inatsisip akuerineqarneratigut Namminersorlutik Oqartussat ataanni imigassamik atornerluinermut katsorsaaneq ulloq 1. januar 2016 aallarnerfigalugu kommuninut akeqarunnaarsinneqarpoq. Akeqanngitsumik imigassamik atornerluinermut katsorsaasarnissaq Naalakkersuisut Siunissami atornerluisunik katsorsaasarnissamik nuna tamakkerlugu pilersaarutaannut ilaavoq.

AIS2017-imi suliassaqaqfimmu aningaasaliissutit Atornerluisunik katsorsaanermmut pilersaarut pillugu konto pingaarnep 34.11.08-p ataanut ataatsimoortinneqarput, 2017-imi konto pingaarnermut aningaasaliissutit 37,0 mio. kr.-usut siunissami atornerluisunik katsorsaasarnissamik nuna tamakkerlugu pilersaarummi pilersitassanut suliniutissanullu atorneqassapput. Aningaasaliissutinut

ilaavoq atornerluinermut akeqanngitsumik katsorsaaniissap aningaasaliiffiqineqarnera. AI2015-imi Imigassamik ajornartorsiuteqartunut katsorsaasarfiit pillugit konto pingaarneq 34.11.05 naapertorlugu naatsorsuutiqineqarpoq kommunit 2015-imi atornerluinermut katsorsaaniermi ukiumut 5,9 mio. kr.-t missaannik akiliuteqartassasut.

Taamaalilluni atornerluinermut akeqanngitsumik katsorsaasarnermut ikaarsaaniermi kommunit atornerluinermut katsorsaasarnermut aningaasartuuteqarunnaarsinneqarput.

Tamanna tunngavigalugu susassaqtut isumaqatigiissutigaaq ataatsimoortumik tapiissutit 2017-imiit 5,9 mio. kr.-nik ikilisinneqassasut.

8. Nunani allani pensionisianut aqqissuussanut akiliutigisat akileraaruserorneqartarnissaat.
Inatsisartut 2016-imi upernaakkut ataatsimiinneranni oqaluuserisassani immikkoortup 21-p oqaluuserineqarnerani nunani allani pensionisianut aqqissuussanut akiliutigisat akileraaruserorneqartarnissat 2017-imit atuutilersussatut aalajangiunneqarpoq.

Tamatuma nassataanik kommunit akileraarutitigut isertitaqarnerulissapput. Tamanna tunngavigalugu susassaqtut isumaqatigiippat kommunit akileraarutitigut isertitaqarnerulernermikkut iluanaarutaannut naapertuuttumik ataatsimoortumik tapiissutit appartinneqassasut. Iluanaarutissat taaku 2017-imiit kommuninut 44.381.000 kr.-nik naleqassasut naatsorsorneqarsimavoq.

Inatsit ikaarsaariarnermut aqqissuussinermik imaqqarpoq. Tassa soraarnerussutisianik aqqissuussamut atatillugu ikaarsaariarnermi aqqissuussamut ataasiakkaat qanoq akiliuteqartiginerat tunngavigalugu Nunatta Karsia soraarnerussutisiaqalernissamut katersisunut ataasiakkaanut ukiunik talimanik killilimmik tapiissuteqartassaaq. Ikaarsaariarnermi aqqissuussap malitsigisaanik kommunit akileraarutitigut isertitaqarnerulernermikkut iluanaarutissat 2017-2019-imi 2.139.000 kr.-ussasut aamma 2020-2021-mi 1.452.000 kr.-ussasut naatsorsorneqarsimavoq.

Tamanna tunngavigalugu susassaqtut isumaqatigiippat ataatsimoortumik tapiissutit 2017-2019-imi katillugit 46.520.000 kr.-nik, 2020-2021-mi 45.833.000 kr.-nik 2022-miillu 44.381.000 kr.-nik ikilisinneqassasut.

9. Pensionisianik nunanut allanut nuussinerit

Inatsisartut 2016-imi upernaakkut ataatsimiinneranni oqaluuserisassani immikkoortup 25-p oqaluuserineqarnerani Akileraaruserinermik ingerlatsineq pillugu Inatsisartut inatsisaata allanngortinneqarnissaa pillugu inatsisissatut siunnersuut akuerineqarpoq. Taamaalilluni soraarnerussutisiaqartitsinermik aqqissuussat akitsuuserneqarnerannit iluanaarutit piffissaanngitsukkat tiguneqartut 2017-imiit taamaallaat Nunatta Karsianut tutsinneqartalissapput.

Tamanna tunngavigalugu susassaqtut isumaqatigiippat kommunit akitsuutitigut iluanaarutissatut annaasaannut naapertuuttumik ataatsimoortumik tapiissutit 2017-imiit 4.205.000 kr.-nik amerlineqassasut.

10. Soraarnerussutisiaqarnissamut aaqqissuussinermut pinngitsoorani ilaanissaq

Inatsisartut ukiakkut 2016-imi ataatsimiinneranni immikkoortoq 19-itut, soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat akuersissutigineqarpoq. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata kingunerissavaa, Kalaallit Nunaanni soraarnerussutisiaqarnissamut aaqqissuussinernut akiliisarnerit amerlatsinnerisa kingunerisaannik kommunit akileraarutinit iluanaarutinit annaasaqarnissaat. Inatsisartut inatsisaannik akuersinermut atatillugu aamma Kalaallit Nunaanni aningaaseriviit periarfissaqalerput soraarnerussutisiaqarnissamut aaqqissuussanik tuniniaasinnaansamut, tamannalu Kalaallit Nunaanni soraarnerussutisiaqarnissamut aaqqissuussinernut akiliisarnernik qaffaassaaq, taamaasillunilu kommunit akileraarutinit iluanaarutissaannut appaassalluni.

Tamanna tunngavigalugu susassaqtut isumaqatigiipput, ataatsimoortumik tapiissutit 2017-imi 3,8 mio. kr.-inik, 2018-imi 30,6 mio. kr.-inik, 2019-imi 38,6 mio. kr.-inik kiisalu 2020-mi 47,3 mio. kr.-inik qaffanneqassasut. Ataatsimoortumik tapiissutini qaffaaneq 2024-p tungaanut ingerlassasoq naatsorsuutigineqarpoq, utertitsissutaasussallu 90,1 mio. kr.-iunissaat naatsorsuutigineqarluni.

Susassaqtut isumaqatigiipput, aningaasat 2017-imi agguaassasat ataatsimut tapiissutinit agguariaatsimut ilusiliaq atortoq naapertorlugu kommuninut agguanneqassasut. Susassaqtuttaaq isumaqatigiissutigaaq, soraarnerussutisiaqarnissamullu aaqqissuussinermut pinngitsoorani ilaanissaq pillugu inatsisip eqqukkiartorneranik, kommuninut ataasiakkaanut aningaasaqarnikkut kingunerisai tunngavigalugit kommunit annertunerusumik taarsiivigineqassapput. Tamanna aamma atuuppoq, Inatsisartut inatsisaata kinguneranik kommunit akileraarutitigut iluanaarutinit annaasaannut atatillugu ataatsimoortumik tapisianik qaffaanerup annertussusaanut.

11. Missingersuutit naatsorsuutillu pillugit inatsit nutaaq

Inatsisartut ukiakkut 2016-imi ataatsimiinneranni immikkoortoq 20-tut, Kommunit Namminersorluttillu Oqartussat missingersuutaat naatsorsuutaallu pillugit Inatsisartut inatsisaat akuersissutigineqarpoq. Inatsisissatut siunnersuummut nalinginnaasumik oqaaseqaatini ilaavoq, Inatsisartut inatsisaata nutaap atuutilersinneqarneranut tassungalu atatillugu piginnaasanik ineriartortitsinermut kommunit aningaasartuutiminnut taarsiivigineqassasut.

Tamanna tunngavigalugu susassaqtut isumaqatigiipput, ataatsimoortumik tapiissutit 2017-2018-imi 2,0 mio. kr.-inik kiisalu 2019-imi 1,0 mio. kr.-inik qaffanneqassasut. Susassaqtut isumaqatigiipput, kommunit akornanni aningaasat naligiimmik agguanneqassasut.

12. Nunaqarfinni isorliunerusunilu inissialiornermut pilersaarummik nuussineq

AIS2017-imi konto pingaarnermut 87.72.22 Nunaqarfinni isorliunerusunilu inissialiornermut pilersaarut, 2017-imi 25,3 mio. kr.-inik kiisalu 2018-imit 26,5 mio. kr., aningaasaliissutinit illuartitsisoqarpoq siunertamut tunngatinneqartunik.

Susassaqtut isumaqatigiipput, 1. januar 2017 aallarnerfigalugu aningaasaliissutit kommunit tigusagaat. Aaqqissugaanerup iluarsartuuteqqinnerata kinguneranik suliassanik kommuninut tunniusuinermut Naalakkersuisut pingaarnersuinerannut atatillugu aningaasaliissutit nuunneqarput.

Kommunini illussanut ikkussoriaannarnut, illunut sunut tamanut atorneqarsinnaasunut imaluunniit illulianut sanaqataaffiusunut kommunit aningaasaliissutit atussavaat. Aningaasaliissutit kommunit akornanni agguarneqarput, aningaasaliissutit 50 procentii ¼-inngorlugit kommuninut tamanut agguanneqarnerisigut. 50 procentit sinneruttut kommunit akornanni agguanneqarput, kommunini ataasiakkaani najugaqarfinni 700-t ataallugit inoqartuni agguaanermi naatsorsuinikkut.

Tamanna tunngavigalugu susasaqartut isumaqatigiipput, ataatsimoortumik tapiissutit 2017-imi 25,3 mio. kr.-inik kiisalu 2018-imit 26,5 mio. kr.-inik qaffanneqassasut.

13. Kommune Kujallermi attaveqaatinik annertusaanermut aningaasaliissutininik nuussineq

AIS2017-imi kontomut pingaarnermut 20.05.45 Kommune Kujallermi attaveqaatinik annertusaaneq, 2017-imit 405.000 kr.-inik illuartitsisoqarpoq. Aningaasat ukiumi matumani konto pingaarneq taanna aqutigalugu Kommune Kujallermut tunniunneqarput.

Susasaqartut isumaqatigiipput, 1. januar 2017 aallarnerfigalugu aningaasat konto pingaarneq 20.05.20 Kommuninut ataatsimoortumik tapiissutit, aqutigalugu Kommune Kujallermut akileneqartalissasut. Siunertamut aningaasaliissutit kommuninut ataatsimoortumik tapiissutit ataannut inissinneratigut suliaasaqarfimmi allaffissorneq annikillisinneqassaaq. Aningaasat Kommune Kujalliup piinnartassavai.

14. Ilulissat Kangiani Nunarsuarmit kingornuttagaata nakkutigineqarneranut aningaasaliissutininik nuussineq

AIS2017-imi kontomut pingaarnermut 77.03.03 Ilulissat Kangia, Ilua Timaalu – Nunarsuarmit kingornuttagaata nakkutigineqarnera, 2017-imit 212.000 kr.-inik illuartitsisoqarpoq. Aningaasat ukiumi matumani konto pingaarneq taannaa qutigalugu Qaasuitsup Kommunianut tunniunneqarput.

Susasaqartut isumaqatigiipput, 1. januar 2017 aallarnerfigalugu aningaasat konto pingaarneq 20.05.20 Kommuninut ataatsimoortumik tapiissutit, aqutigalugu Qaasuitsup Kommunianut akileneqartalissasut. Siunertamut aningaasaliissutit kommuninut ataatsimoortumik tapiissutit ataannut inissinneratigut suliaasaqarfimmi allaffissorneq annikillisinneqassaaq. Aningaasat Qaasuitsup Kommuniata piinnartassavai.

15. Aalisarsinnaanermut akuersissutininik tunniussisarnerup tignerana

Ukiakkut 2016-imi Inatsisartut ataasimiinneranni immikkoortoq 123-tut Inatsisartut inatsisaata nr. 18, 31. oktober 1996-imeersup allanngortinnera pillugu inatsisissatut siunnersuut akuersissutigineqarpoq. Tamatuma akuersissutigineqarnerata kingunerisaaanik, aalisarsinnaanermut akuersissutininik tunniussisarnermut allaffissorneq Namminersorlutik Oqartussanit kommuninut nuunneqarpoq. Taamaattumillu allaffissornerup tigneranut atatillugu aningaasartuuteqarnerunermut kommunit utertitsivigineqarput.

Tamanna tunngavigalugu susasaqartut isumaqatigiipput, ataatsimoortumik tapiissutit 2017-imit 0,5 mio. kr.-inik qaffassasut.

16. Qaasuitsup Kommuniata avinnera

Ukiakkut 2016-imi Inatsisartut ataatsimiinneranni immikkoortoq 117-itut kommunini suliassa qarfiit aaqqissuuteqqinneqarnerata allangortinneqarneranik inatsisissatut siunnersuut akuersissutigineqarpoq. Tamatuma kinguneraa, 1. januar 2018-imit atuutilersumik Qaasuitsup Kommunia kommuninut marlunnut avinneqassasoq.

Tamatuma malitsigisaanik AIS2017-ip pingajussaaneerineqarneranut atatillugu kommuninut ataatsimoortumik tapiissutit 2017-imi 5 mio. kr.-inik kiisalu 2018-imi 3 mio. kr.-inik qaffanneqarnissaanut siunnersuut Naalakkersuisut saqqummiuppaat. Aningaasat Qaasuitsup Kommuniata pissavai, kommunip avinneqarneranut kommunip aningaasartuutaanut Namminersorlutik Oqartussat tapiissutaatut.

17. Ataatsimoortumik tapiissutinik annikillisitsineq

AI2016-imi Missingersuutinut iluarsissutit, allaffissorneq pillugu konto pingaarnerup 20.11.56-ip ataani 2017-imit 2019-imut ukiumi missingersuusiortiusuni ukiumut 40 mio. kr.-ngajalluinnaat sipaarutaasussat ilanngunneqarput, taakku AIS2017-imi atugassanngortinneqassappata.

Naalakkersuisunit kissaatigineqarpoq kommunit 2017-imut ataatsimoortumik tapiissutini sipaaruteqaqataassasut. Taamaamat 40 mio. kr.-nik sipaaruteqartoqarneratigut ataatsimoortumik tapiissutit 2017-imiit 8 mio. kr.-nik ikilisinneqartassapput. Aningaasanut inatsimmi aningaasartuutit tamarmiusut 6,5 mia. kr.-t missaanniipput, taakkunanga kommuninut ataatsimoortumik tapiissutaasartut 1,3 mia. kr.-usarput, tassa ataatsimoortumik tapiissutit tallimarararterutaat, taamaamat 40 mio. kr.-nik ataatsimut sipaarutaasussat tallimarararterutaannut naapertuuttumik ataatsimoortumik tapiissutit 8 mio. kr.-nik ikilisinneqassasut siunnersuutigineqarpoq.

Tamanna tunngavigalugu Naalakkersuisut kissaatigaat ataatsimoortumik tapiissutit 2017-imit aallartittumik 8 mio. kr.-nik ikilisinneqartassasut.

Kommuninut ataatsimoortumik tapiissutinik ikilisisiinnarneq kommunit tunngaviusumik akerleraat. Ataatsimoortumik tapiissutit pillugit isumaqatigiinnerni tunngaviusumik akerliuvoq, susasaqartutp aappaata aapparmini sipaarniarnissanut ilanngussinissaa. Taamatullu kommunit nammineerlutik annertuumik sipaarniarsimapput Namminersorlutik Oqartussanit ataatsimoortumik tapiissutitigut allatigulluunniit akiliinerunermik kinguneqanngitsumik. Ataatsimoortumik tapiissutit pillugit isumaqatigiisummi 2010-meersumi Namminersorlutik Oqartussat nammineerlutik aalajangernikuuaat kommuninut ataatsimut tapiissutit ukiumut 30 mio. kr.-inik ikilississallugit. Kommunit taavaat, tamatuma kingornatigut kommunini sulisut 2010-miilli katillugit 7%-inik ikilissimasut, piffissamilu tassani namminersorlutik oqartussani sulisut 9%-inik amerlissimallutik. 2016-imiit ataatsimoortumik tapiissutit 8 mio. kr.-inik ikiliseqqinnerisa kingunerissagaat siunissami kommunini sulisut ikilineri namminersorlutillu oqartussani sulisut amerlineri. Taamaalisukkullu kommunit

isumaginninnermi suliassaqarfimmi annertuunik unammilligassaqarput, inuusuttut meeqqallu imikkut eqqarsaatigalugit. Taakku eqqorneqassapput, Namminersorlutik Oqartussani sulisut amerliartornerinnut kommunit akileeqqissappata. Tamannalu atasinnaangilaq.

Susassaqartut isumaqatigiipput 2018-imut ataatsimoortumik tapiissutit pillugit isumaqatigiisuteqarnissaq sioqqullugu, ataatsimoortumik tapiissutit pillugit isumaqatigiisutit aningaasaqarnikut sinaakkutissaanik ineriartortitsineq pillugu apeqqut sammineqassasoq kiisalu ataatsimoortumik tapisianik P/L-naatsorsuinerit matuma ataani nassuiaateqarnissamut atorneqassasut. Malunnarpoq, P/L-naatsorsuineri nammineq suliassaqarfinni kiisalu kommuninut ataatsimoortumik tapiissutini allaanerussuteqarnerni suliassanik tunniussinissamut namminersorlutik oqartussat aningaasaqarnikut piumassuseqanngitsut.

Tamakku tunngavigalugit KANOKUKA isumaqarpoq kommuninut ataatsimoortumik tapiissutit apparneqarnissaat tulluurtuunngitsoq. Taamaasilluni kommunit aningaasaqarnikkut iliuuseqarfigisinnaasaat annikillissammat piffissami, meeqqat atuarfiannik pitsanngorsaannissamut kiisalu meeqqanut inuusuttunullu sumiginnakkanut pitsaanerusunik neqeroortarnissamik ukkatarinnilluni pilersitsiffiusussami tamanna pivoq.

18. Innarluutilinnut kiisalu meeqqanut inuusuttunullu ulloq unnuarlu paaqqinniffiit – 2017-imut missingersuutit

Innarluutilinnut kiisalu meeqqanut inuusuttunullu ulloq unnuarlu paaqqinniffiit ingerlanneqarnerat kommuninit aningaasalersorneqartarpoq. Ulloq 1. januar 2014 aallarnerfigalugu meeqqat inuusuttullu inissinneqarsimasut aningaasalersorneqartarnerat 100 %-imik akilersorneqartalerpoq. Siusinnerusukkat aningaasartuutit 50 %-ii kommuninut ataatsimoortumik tapiissutit ikilisinneqarnerisigut matussuserneqartarput, sinneruttullu 50 %-iusut akigitit akilerneqarnerisigut matussuserneqartarlutik. Aallaaviatigut 100 %-imik akiliuteqartoqartalerneratigut kommuninut ataatsimoortumik tapiissutit annertussusaat sunnerneqarsimangilaq.

Isumaginninnermut Ilaqutariinnermut, Naligiissitaanermut, Inatsisinillu Atuutsitsinnermut Naalakkersuisoqarfiup KANUKOKA-llu ukiumut missingersuusiorfiusumut 2017-imut tunngatillugu innarluutilinnut kiisalu meeqqanut inuusuttunullu ulloq unnuarlu paaqqinniffiit missingersuusiorlugit sulinertik naammassivaat.

19. Pissutsit allat

Inatsisissatut siunnersuutip aningaasaqarnermut sunniutissai Inatsisartuni suliarineqanngitsut kingusinnerusukkat susassaqartut akornanni isumaqatiginninniutigineqarsinnaapput.

Namminersorlutik Oqartussat kommunillu akornanni ilassutit isumaqatigiisut manna oqartussaalutik aningaasaliisuteqartut akuersisuteqarnerisigut nangaanartoqartillugu atsiorneqarpoq.

KALAALLIT NUNAANNI NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

Nuuk, x. december 2016

Aqqaluaq B. Egede
Aningaasaqarnermut Akileraartarner-
mullu Naalakkersuisoq

Simon Simonsen
Kalaallit Nunaanni Kommunit Kattuffi-
anni Siulittaasoq

Ilanngussaq 1. Ukiumut missingersuusiorfiusumut 2017-imut kommuninut ataatsimoortumik tapiissutissat pillugit isumaqatigiissummi immikkuualuttut

	Aftale	--- mio. kr. ---		
	2017	2018	2019	2020
2016-imut isumaqatigiissut naapertorlugu aallaavissat	1.346.394	1.348,0	1.349,4	1.349,4
1. Akinut akissarsianullu iluarsiiisutit	13.790	13,8	13,8	13,8
2. Ineqarnermut tapiissutinut iluarsiiisutit	-2.465	0,0	0,0	0,0
3. Siusinaartumik pensionisianut iluarsiiisutit	-15.485	0,0	0,0	0,0
4. Danmarkimi Kalaallillu Nunaanni inissiiernut qitiusumik aningaasaliissutit	3.504	0,0	0,0	0,0
5. 2012-imi akileraarusersuineramik allannguinerup atuutsilerneru	0	0,0	0,0	1,3
6. Siusinaartumik soraarnerussutisiaqartitsisarnermik aqqissu- usseqqinnermi sullissisarnerup pitsanngorsaaffineqarnera	3.000	1,5	0,0	0,0
7. Atornerluinermut akeqanngitsumik katsorsaasarneq	-5.900	-5,9	-5,9	-5,9
8. Nunani allani pensionisianut aqqissuussanut akiliutigisassat akileraarusersorneqarnerat	-46.520	-46,5	-46,5	-45,8
9. Pensionisianik nunanut allanut nuussinerit	4.205	4,2	4,2	4,2
10. Pinngitsoorani soraarnerussutisiaqarnissamut aqqissuussiner- mut ilaanissaq	3.837	30,6	38,6	47,3
11. Missingersuutit naatsorsuutillu pillugit inatsit nutaaq	2.000	2,0	1,0	0,0
12. Nunaqarfinni isorliunerusunilu inissialiornermut pilersaarum- mik nuussineq	25.300	26,5	26,5	26,5
13. Kommune Kujallermi attaveqaatinik annertusaanermut anin- gaasaliissutinik nuussineq	405	0,4	0,4	0,4
14. Ilulissat Kangiani Nunarsuarmiut kingornuttagaata nakkutigi- neqarneranut aningaasaliissutinik nuussineq	212	0,2	0,2	0,2
15. Aalisarsinnaanermut akuersissutinik tunniussisarnerup tigonera	500	0,5	0,5	0,5
16. Qaasuitsup Kommuniata avinnera	5.000	3,0	0,0	0,0
17. Ataatsimoortumik tapiissutinik annikillisisineq	-8.000	-8,0	-8,0	-8,0
Kommuninut ataatsimoortumik tapiissutit nutaat	1.329.777	1.370,3	1.374,2	1.383,9